

INFORMACION MBI ZHVILLIMIN E SESIONIT SHKENCOR TË MJEKËVE TË PARË STOMATOLOGË

Në vitin 1964 mbaruan mjekët e parë stomatologë që kryen studimet në vendin tonë. Është krijuar një traditë e mirë që këta mjekë takohen çdo 5 vjet, duke organizuar një sesion shkencor ku referojnë për problemet e ndryshme stomatologjike në përputhje me specialitetin e tyre të ngushtë. Kështu, me rastin e 45-vjetorit të çlirimit, më datë 16.XI.1989 në një nga sallat e Pallatit të Kulturës u zhvillua sesioni i 4-të shkencor i mjekëve të parë stomatologë që mbaruan studimet në vendin tonë. Përveç 13 referimeve të mbajtura nga 20 mjekë, pati edhe 2 referime nga 3 pedagogët e parë të stomatologjisë, si Dhori Pojani dhe Osman Hoxha. Sesionin e hapi mjeku stomatolog Qemal Jashari, i cili mbajti edhe fjalën e rastit me rastin e 25-vjetorit të mbarimit të studimeve të mjekëve të parë stomatologë.

Më pas sesioni u zhvillua, sipas këtij programi:

Një rast me sindromën Ewing në nofullën e poshtme nga prof. Dhori Pojani. studim 5-vjeçar mbi patologjinë e glondulave limfatike në regjionin maksillo-facial të fëmijët e trajtuar në repartin e kirurgjisë stomatologjike të qytetit të Vlorës nga Sadedin Gjoka (Vlorë); ekzaminimi klinik, hallkë e rëndësishme e protezës së ardhme nga Osman Hoxha (Shkodër). frakturat në regjionin maxillo-facial me armë të kontaminuara me rrezatim 400 Rongen (punim eksperimental) nga Tahir Duro (Instituti i kërkimeve Mjekësore Ushtarake); vrojtime stomatologjike në kampionatin Ballkanik të volejbollit për të reja (3-9 shtator 1989) nga Zenel Kokomiri (Tiranë); çrregullimi

i gjëndrave endokrine sjell ndryshime dhe në kavitetin e gojës nga Hilmi Haveri (Tiranë); mundësitë e mjekimit ortopedik të anomalive në moshën e mëvonsahme nga Kosta Shyxho (Delvinë); një rast me sarkoidozë kutane në regjionin intraorbital dextra nga Naim raklli (Kavajë); mbi zhvillimin dhe vendosjen në nofullën e poshtme të dhëmballës së tretë nga Thimi Koçi (Berat); një rast me oseodistrofi fibroze mandibule nga Zenel Zeneli (Peshkopi); përvoja jonë në mjekimin ortopedik të disa anomalie dento-maxillo-faciale në të rritur nga Muss Bizaku (Shkodër). rezultatet tona në ndërtimin e dhëmballëve me vidë të derdhur mer aliazhe kromnikel dhe krom kobalt nga Shemsi Karaj (Shkodër) dhe Fejzi Keraj (Tiranë); ekzistojnë të gjitha mundësitë për prodhimin në vendin tonë të materialeve formuese për ortopedinë stomatologjike nga Sokrat Theodhori (Korçë) dhe korrelacioni i CER-it si edhe sëmundjet e mukozës së gojës në lidhje me disa patologji të përgjithshme të organizimit në zonën e kamzës nga Vasil Cakulli e Vjolca Biculli (Tiranë).

Në sesion morën pjesë pedagogë dhe studentë, si edhe mjekë stomatologë nga qyteti i Tiranës dhe rrethet. Ky sesion vlejti si takim brezash, m ku u vlerësua shembulli i mjekëve të parë stomatologë dhe angazhimi i tyre jo vetëm si praktikienë, por edhe në punë shkencore.

Zenel Kokomiri